

**OFFICE OF THE STUDENTS' UNION
GOVT. AIZAWL COLLEGE**

PRESS STATEMENT

Mualpui-a Govt. Aizawl College hmun thar tur, kum 2012-a Mizoram sorkarin Land Lease hmanga a pek tawh chu thui tak hma lak a nih tawh hnuah, college ram chungah mimal ram (LSC) nei an lo awm avangin tun thlengin luah theih a la ni lo a, High Court thlenga thubuai kalin, College-in harsatna nasa tak a tawh mek a ni.

Aizawl khawpui chung tawt zelah leh, College tihmasawn zel duhnaah khawpui daifem, campus zau zawk awmn theihnaa insawn tuma hmalakna hi hun rei tak atang khan a lo awm tawh a. Hun engemawchen buaipui a nih hnuah kum 2012 khan Mizoram sorkar chuan Mualpuiah Govt. Aizawl College hmun tur 12471.50 Sq.m a zau a pe ta a, Secretary, Higher & Technical Education hmingin land lease hmangin tihchhuah a ni a, Land lease number hi DLL 24 of 2012 a ni.

Hetianga ram tih fel a nih hnu leh, ruahmanna thui tak kalpui a nih tawh hnu hian College ram tura ruahman chungah hian mimal ram, LSC 5 lai mai a lo awm a ni tih hriatchhuah a ni a. Heng LSC-te hi Pu E. Thangkhuma leh a chungte hming veka tihchhuah a ni nghe nghe. Salem Veng Local Council leh NGO-ten an complain hnuah Land Revenue & Settlement Department pawhin mipui vantlang ram tura ruahman chungah awm a ni tih a lo tichiang tawh a ni.

Govt. Aizawl College ram chungah LSC pangate hi hming thlak a la ni lo chungin Pu Lalsangbera s/o Kawlkhuma (L), Mission veng chuan a neitu ni a inchhalin harsatna a siam chho ta a. Heng LSC 5-te hi thubuai inchiah lai mek, ram buai lai mek a ni tih hre chungah lei lui ni a hriat a ni. Govt. Aizawl College ramah hian cheng nuai 300 sengin Commerce Stream building tur sak zawh a ni tawh a, cheng nuai 75 sengin Students' Common Room leh Cafeteria sak a ni tawh bawk. Heng buiding-te hi kum 2018 February 26 khan Chief Minister leh Higher & Technical Minister-ten an hawng tawh nghe nghe a ni. Kum 2020-2021 session atang hian Commerce building hi luah tura ruahman a ni.

Hetianga a nih lai hian helai ram neitu a inchhal Pu Lalsangbera, Mission veng chuan College ram chungah hian RCC Wall siamin, College building dang sak mek tan harsatna nasa tak a siam mek a. Hei hi Govt. Aizawl College leh zirlaite zah lohna lian takah Govt. Aizawl College Students' Union chuan ngaiin September 22, 2020 khan District Magistrate/Deputy Commissioner, Aizawl District hnenah hma la tura ngenna a thehluh tawh nghe nghe a ni.

College ram hi mimal hnena sah thlak emaw, tih buai emaw hi Govt. Aizawl College zirlaite hian kan remti ngai dawn lo a. College ram humhalh tur hian engkim huamin a tawp thlengin hma kan la zel dawn tih kan puang a. College ram chungah mimal ram, LSC neitu ni a inchhal Pu Lalsangbera, Mission Veng, Aizawl, pawh College ram tibuai zui tawh lo turin kan hriattir a, J. Thankima College ram chungah mimal

ram neiten an surrender anga a LSC ni a a chhalte surrender thuai turin kan phut a. Tin, Mizoram sorkar pawh Govt. Aizawl College ram humhalhna kawngah chak lehzuala hma la turin kan phut bawk a ni.

Issued by Govt. Aizawl College Students' Union
On the 9th October 2020, 1:00 pm at Aizawl Press Club